

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), a u skladu sa Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu („Službene novine KS“ broj: 30/18) Školski odbor škole na sjednici održanoj dana 12.12.2019. donosi

**P R A V I L N I K**  
**O VIDEONADZORNOM SISTEMU**  
**U JAVNOJ USTANOVI OSNOVNA ŠKOLA „FATIMA GUNIĆ“SARAJEVO**

**I PREDMET PRAVILNIKA**

Član 1.

Pravilnikom o videonadzornom sistemu u JU OŠ „Fatima Gunić“ Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

**II ZAKONSKI OKVIR**

Član 2.

Pravilnik se primjenjuje u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11) i u skladu sa Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

**III SVRHA VIDEONADZORNOG SISTEMA**

Član 3.

(1)Videonadzorni sistem se koristi radi prevencije vršnjačkog nasilja, sigurnosti učenika, radnika i svih drugih, koji se nađu u prostorijama i dvorištu JU OŠ “Fatima Gunić” (u daljem tekstu: Škola).

(2)Videonadzorni sistem, uz navedeno iz prethodnog stava ovog člana, koristi se i za zaštitu objekata i imovine škole, sprečavanje protivpravnih radnji usmjerenih prema imovini škole, od krađe, provala, oštećenja, uništenja i sl.

(3)Snimke koje su snimljene videonadzornim sistemom mogu se isključivo koristiti za navedeno u stavu (1) i (2) ovog člana.

Član 4.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

**IV OPSEG PODATAKA VIDEONADZORA**

Član 4.

Videonadzorni sistem škole obuhvata:

- a) Unutrašnje kamere i vanjske kamere.
- b) Uređaj za pohranu videozapisa deponuju i arhiviraju videozapise u trajanju dvije sedmice, nakon čega se automatski brišu.

## Član 5.

- (1) Unutrašnje kamere pokrivaju glavne koridore, hodnike i komunikacije unutar škole.
- (2) Videonadzorni sistem is stava (1) ovoga člana koristi se i u svrhe predviđene članom 6. ovoga Pravilnika.

## Član 6.

Vanjske kamere pokrivaju prostor dvorišta škole i ulaz u školu.

## Član 7.

- (1) Na ulazu u školu i oko školskog dvorišta postavljaju se vidljivi znaci obavijesti: PAŽNJA OBJEKAT POD VIDEONADZOROM.
- (2) Znak na samom ulazu u školu sadrži i kontakt telefon preko kojeg se mogu dobiti opće informacije o videonadzoru.

## VI UPOTREBA PODATAKA

### Član 8.

Uređaj za snimanje (hard disc) i administrativni centar kontrole i obrade podataka nalazi se u prostoriji noćnog čuvara škole, u zaključanom ormariću, a ključ se nalazi kod direktora škole, koji je kontrolor videonadzornog sistema škole.

Direktor škole može ovlastiti Emis odgovornu osobu, kao i drugog radnika škole, da imaju pristup videonadzornom sistemu (u realnom vremenu ili pristup arhivi podataka) u svojstvu obrađivača podataka.

### Član 9.

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

### Član 10.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

### Član 11.

Monitoring u realnom vremenu, u smislu obrade podataka, imaju i noćni /dnevni čuvari u prostoriji pomoćno-tehničkog osoblja te lica koja ovlasti direktor škole.

Obradu podataka, u smislu navedenom u stavu 1 ovoga člana, nemaju drugi radnici škole koji imaju pristup prostoriji pomoćno-tehničkog osoblja.

## VII ZAŠTITA LIČNIH PODATAKA

### Član 12.

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:



- a) Snimci pohranjeni putem videonadzora na osnovu kojih se može identificirati nosilac podataka predstavljaju zbirku ličnih podataka,
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka,
- c) Kontrolor će na vidnom mjestu istaći obavještenje o vršenju videonadzora i kontakt telefon,
- d) Kontrolori, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene,
- f) Video zapis se čuva 30 dana od dana nastanka nakon čega se briše.

## VIII PRELAZNE I ZAVRŠNE ODREDBE

### Član 13.

Ovaj Pravilnik stupa na snagu osmog dana od dana objave na oglasnoj ploči Škole.

Broj: 01-1-8-80/19  
Sarajevo, 12.12.2019.

Predsjednica Školskog odbora:  
Ćosović-Hajdarević Samra

